

# 坟墓图小引

周礼地官以本俗安万民一曰族坟墓大夫掌邦墓之域为之图令国民族葬而掌其禁令使皆有私地域坟墓之切于生民重矣故为子孙者即不能时常省亲而于清明祭扫断不可仅循拜墓之虚文荆棘则当剪松柏则当培莹头土薄则当加或及时修筑或择日经营必信必诚務妥先灵于地下我房祖墓畧绘图式并契券所载疆界田山详登附记俾后人观图而知祖宗之坟墓登山而识界址之远近庶免异姓侵渔而风水亦培植于弗替焉